

ներ և մի քանի մեծ հաստատութիւններ և ընկերութիւններ միանան և հաւաքական ոյժերով հիմնեն մի սանատորիա 100 հոգու համար յայտնի պայմաններով:

Դժբախտաբար մեր քաղաքական ինքնավարութիւններից հազիւթէ կարելի լինի այդպիսի քայլեր սպասել, քանի որ նոյնիսկ մեր ամենամեծ քաղաքները (Թիֆլիսը, Բագուհան) իրանց սովորական հիւանդներին անդամ չեն կարողանում բաւարարութիւն տալ: Պէտք է յորդորել, որ հասարակութեան ունեւոր դասակարգը առաջ նուիրատութիւններով իրագործելի դարձնէ այդ վերին աստիճանի անհրաժեշտ ձեռնարկութիւնները:

ԲԺ. Գ. ԱԱ.ՐԳ.

ՍՏԱՄԲՈՔՍԻ ԿԱՏԱՐԲԸ (ստամբուլի մի քանի հիւանդութիւնները), կազմեց սժու. Օթօգակի. մէկ պատկերով Պետերբուրգ. 1903 թ. գինն է 20 կող.

Այդ գրքով ներկայացնում է բժ. Ա. Բուդուղեանի հըրատարակութիւնների № 25: Նա կազմուած է հմուտ ձեռքով և ընթերցողին անփոփ գաղափար է տալիս թէ ստամբուլի Փիղոլոցիական գործունէութեան և թէ կատարը հիւանդութեան մասին, համեմատելով նրա հետ հեշտութեամբ շփոթուող ըստամբուլի մի քանի ուրիշ հիւանդութիւնները:

Գրքոյկին կցուած է մի պատկեր, որը ներկայացնում է ստամբուլ, աղիքները, լեարզը և այլն:

Թարգմանութիւնը կատարուած է աջող: Գրքին կցած է բժ. Բուդուղեանի յոտուջաբանը, որի մէջ բարի ցանկութիւն է յայտնուում, որ Թիֆլիսի, Բագուի և ուրիշ քաղաքյին վարչութիւններ և հիմնարկութիւններ բանան նորմալ ճաշարաններ, որտեղ աղքատ դասակարգը կարողանար ստանալ լաւ սնունդ. Նա նոյնպէս փափագ է յայտնում, որ մեզանում, ինչպէս Պետերբուրգում, հիմք դնուի այնպիսի մի հիմնարկութեան, որտեղից կարելի լինի ստանալ երեխաների համար մաքուր և լաւ կաթ:

ԲԺ. Գ. ԱԱ.ՐԳ.

ՏՐԱԽՈՄԸ (վարակիշ աշխացաւ), փոխադրեց բժ. Ն. Տէր-հսահակեան, 1902 թ. Ալքսանդրովուն գինն է 3 կող.:

Մեղանում բժշկական գիտութիւնը ժողովրդականացնող գրականութիւնը աւելի բախտաւոր է, քան միւս մասնագիտու-

թիւնների վերաբերեալ գրականութիւնը: Ոչ մի մասնազիտութեամբ այնքան գրքեր չեն հրատարակուել մեզ մօտ, որքան բժշկութեան վերաբերեալ:

Մինչև այժմ մենք ունեինք բժշկական-առողջապահական գիտելիքները ժողովրդականացնող երկու բժիշկներ—Ա. Բուդուղեան և Վ. Արծրունի, այժմ ասպարէզ է գալիս բժ. Ն. Տէր-Խոսհակեանը իր արդէն № 3 հրատարակութիւնով: Առաջին և երկրորդ գրքոյները վերաբերում են ժանտախտին և դիֆտերիտին, իսկ վերջինը, «Տրախոմա» վերնագրով գրքոյկը՝ մեր երկրում շատ տարածուած աչքացաւին: Նա պարզ լեզուով բացարում է ընթերցողին, թէ «ինչպէս պէտք է մարդիկ պաշտպանեն իրանց աչքերն այդ հիւանդութիւնից և չը վարակեն ուրիշներին»:

Բժ. Գ. ՍԱՐԳ.

Ն Ո Ր Ս Տ Ա Ց Ո Ւ Ա Ծ Գ Ր Ք Ե Բ Ը

- 1) Լ.—Ման, «Օտարութեան մէջ», Թիֆլիս, 1903 թ., գինն է 15 կոպէկ:
- 2) Ա. Համալիկեան, «Վշտահար սրտից», բանաստեղծութիւններ, Թիֆլիս, 1902 թ., գինն է 20 կոպէկ:
- 3) Զէյթունցի, «Զէյթունի անցեալէն և ներկայէն», բ. մասն, Բարիզ, 1903 թ., գինն է 1 րուբլի:
- 4) Բժ. Ա. Բուդուղեան, «Քուն և երազ», մէկ պատկերով, Ս.-Պետերբուրգ, 1903 թ., գինն է 25 կոպէկ:
- 5) Յով. Թադէոսեան, «Քուչուկ նահապետի երգերը», Թիֆլիս, 1903 թ., գինն է 15 կոպէկ:
- 6) Ed. Bernstein, «Die Leiden des armenischen Volkes und die Pfeichten Europas,» Berlin, 1902:
- 7) A. Vandal, «Les arméniens et la réforme de la Turquie,» Genève, 1903:
- 8) Georg Brandes, «Armenien und Europa,» Genf, 1903;
- 9) Francis de Pressencé, «L'Arménie et la Macédoine.»
- 10) Հ. Գ. Մէնէլիշեան, Արդի լեզուազիտութիւնը, հատորակ, Վիեննա, 1903 թ., գինն է 3 քր.:
- 11) Ե. ք. Ալիսազեան, ինքնուսուցիչ Հայերէն և Վրացերէն լեզուի, Թիֆլիս, 1903 թ., գինն է 20 կոպ.: